

Tusarniaaffigineqartussanut

Færdselsstyrelsen
Sorsigvej 35
6760 Ribe

Oqarasuaat: 7221 8899
E-mail: info@fstyr.dk
Web: www.fstyr.dk

Suliap nr.: 2025-1044005
15-07-2026

Kalaallit Nunaanni qamutit misissorneqartarnerannut nalunaarummut missingiummut tusarniaaneq

Færdselsstyrelsenip matumuuna Kalaallit Nunaanni qamutit misissorneqartarnerannut nalunaarummut missingiut tusarniutigaa.

Tusarniaanermut killiliussaq ulloq 28. august 2026.

Nalunaarummut missingiut Kalaallit Nunaanni misissuisarnermut aaqqiissummik siunnersuuteqarpoq. Kalaallit Nunaanni misissuisarnermut aaqqiissut nutaajuvoq, danskit transportministeriata aamma Ineqarnermut, Attaveqaasersuutitut aamma Isorliunerusunut Naalakkersuisup, januar 2025-mi aammalu maj 2025 uppersaqqinneqartumi isumaqatigiissutaasoq.

Kalaallit Nunaanni misissuisarnermut aaqqiissummik atulersitsisoqarnissaa isumaqatigiissummi aalajangerneqarpoq. Aaqqiissutit aqqusernup sinaani aamma qamutiniq uninngasunik misissuinissaq periarfissaalersippaa, qamutit teknikkikkut qanoq innerannik nakkutilliineq pitsanngorsarniarlugu. Aaqqiissut Kalaallit Nunaanni pissutsinut immikkut ittunut naleqqussagaavoq.

Nalunaarummut missingersuutip qamutiniq misissuinerup qanoq ingerlanneqartarnissaanik malittarisassanik, Kalaallit Nunaanni aqqusineritigut angallannermi inatsimmi § 6 a, imm. 1-3 naapertorlugu aalajangersaanissaq siunertaraa. Tamatuma saniatigut akuersissuteqarnermut nalunaarsuummut, misissuinerumi akuersissuteqartoqarsimatillugu qamutini igalaanut inissitassamut malittarisassanik aalajangersaasoqassaaq.

Nalunaarutip imarisaanik nassuiaaneq***1. Atuuffia aamma nassuiaatit***

Nalunaarummut missingiummi § 1-mi qamutit sorliit nalunaarummut ilaanersut aalajangersarneqarput.

§ 2-mi taaguutit qitiusut missingiummi uteqattaarneqartut nassuiarneqarput. Innuttaasut aamma suliffeqarfiit malittarisassat sumut tunnganerannik ilisimanneqqissaarnissaanik nassuiaatit qulakkeerinnipput, tamannalu ataatsimut paasinninnermik aammalu inatsisit atuuttut ersarinnerannik qulakkeerinnippoq.

2. Misissuinermik ingerlatsineq

§§ 3-7-mi misissuineq nalinginnaasumik qanoq ingerlanneqartassanersoq, malittarisassat aalajangersarneqarput. Færdselsstyrelsenip nakkutilliusui aqquernup sinaanut qamutiniq aamma qamutiniq kalittakkanik nakkutillinissamut qanoq innersuussisinnaanersut aamma ingiaqate-qarsinnaanersut, kiisalu nakkutilliiviit qanoq LED-nik allagartanik, refleksinik, aamma qullernik il.il. nalunaaqutsiisarnermut malittarisassanik imaqarput.

Tamatuma saniatigut aalajangersakkat aqquernup sinaani misissuinerup annertussusaanik aalajangersaapput. Tamatuma kingorna Færdselsstyrelsenip nakkutilliusuisa qamutit aamma qamutit kalittakkat qanoq inissitsiterneqarsimaneriniq aamma atortuinik misissuisinnaapput, qamutit piumasaqaatinut atuuttunut naapertuinersut qulakkeerniarlugit. Misissuinermit nakkutillisoq tassunga atatillugu unittaatinik, assakaasunik, qamutit timitaannik, aquutaannik aamma attuumassuteqartunik allanik, nalunaarummut missingiummut ilanngussaq 1-imi allasimasunik misissuisinnaavoq.

Færdselsstyrelsenip nakkutilliusui aqquernup sinaani misissuinermit atatillugu aamma usit aalajangerneqarnerannik misissuisinnaapput, usit illikannginnissaat, nakkannginnissaat imaluunniit pisariaqanngitsumik nipiliornissaat pinngitsortinniarnerat qulakkeerniarlugu.

3. Akornutiniq aamma amigaatinik naliliineq

Aqquernup sinaani misissuinermit akornutit aamma amigaatit § 8-mi immikkoortunut pingasunut agguataarneqarput, qanoq ilungersunartigineri kiisalu angallannermit isumaanaallisaanermut aamma avatangiisinut pingaarutaat tunngavigalugit.

4. Akornutiniq aamma amigaatinik iluarsineq

§ 9 akornutit aamma amigaatit qamutit aamma qamutit kalittakkat misissorneqarnerini paasineqartunut iluarsinissamut malittarisassanik imaqarpoq kiisalu taakku iluarsineqanngippata kingunerisassai. Misissuinermit nakkutillisoq misissuinermit atatillugu akornutiniq aamma amigaatinik ulorianartunik paasisaqaruni, misissuinermit nakkutillisoq qamummut pineqartumik ingerlatsinermut killiliinermik imaluunniit atuinissamut inerteqquteqarnermik aalajangersaasinnaavoq, akornutit aamma amigaataasut taakku iluarsineqarnissaasa tungaannut.

5. Misissuinermit nalunaarusiaq

Færdselsstyrelsenip nakkutilliusui misissuineq ingerlanneqareerpat misissuinermit nalunaarusiamik tunniussissapput. Misissuinermit nalunaarusiamik tunniussinermut aamma imarisaanut malittarisassat §§ 10 aamma 11-mi aalajangersarneqarput.

6. Akuersissuteqarnermit nalunaarsuut

§§ 12 aamma 13-ip akuersissuteqarnermit nalunaarsuut qamutitut aamma qamutitut kalittakanut qanoq pisoqarnerani ikkunneqartassanersoq malittarisassanik aalajangersarpari. Qamutit misissuinermit *“akuerineqarpoq”-mik* imaluunniit *“nalunaarsuutilimmik akuerineqarpoq”-mik* inerneqartut taamaallaat, misissuinerup kingorna akuersissuteqarnermit nalunaaqutserneqarsinnaapput.

7. Maalaaruteqarsinnaaneq aamma unioqqutitsinerit

§ 14 Færdselsstyrelsenip nalunaarut malillugu aalajangiineranik transportministerimut imaluunniit allaffissorluni oqartussanut allanut maalaarutigineqarsinnaannginneranik malittarisassanik imaqarpoq.

§ 15 akornutit aamma amigaatit misissuineri paasineqartut iluarsineqarsimangippata, imaluunniit misissuineri atattillugu inerteqquteqarneq imaluunniit peqqussuteqarneq malinneqangippat, qamummik piginnittumut, atuisumut aamma ingerlatsisumut pineqaatissiinissamut inatsisitigut tunngaviliivoq. Piginnittoq, atuisoq aamma ingerlatsisoq Kalaallit Nunaanni pinerlut-tulerinermi inatsit naapertorlugu pineqaatissinneqarsinnaavoq.

8. Illersornissamik suliassaqaarfik

§ 16, nalunaarutip illersornissamik suliassaqaarfinni atuutinnginneranik erseqqissaavoq, taanna illersornissaq pillugu isumaqatigiisummi 1951-meersumi aqqissorneqarpoq.

9. Ilanngussaq 1: Aqqusernup sinaani misissuinerup annertussusaa

Nalunaarummut missingiummi ilanngussaq 1 "Kalaallit Nunaanni aqqusernup sinaani misissu-
inerup annertussusaa"-nik qulequtalimmik ilanngussaqarpoq. Ilanngussami nakkutilliisarfitt
aamma misissuineri ingerlatsineri atattillugu piumasaqaatinik erseqqissaavoq. Ilanngus-
sami aamma misissuineq qanoq ingerlasarneris nassuiarneqarpoq, kiisalu nakkutilliisut qamu-
tini akornutini aamma amigaatinik naliliineri periusai. Tamatuma saniatigut usit isuman-
naallisarnissaannut tunngaviusut nassuiarneqarput.

Misissuineq tunngaviusumik alaatsinaalluni aamma teknikkikkut misissuineruvoq, pingaarnerit
makku nakkutilliivigineqarlutik:

Kigaallassatait: kigaallassatait skiveriannik/klodsiannik atuuffiini, sunniuteqassusaannik
aamma qanoq innerannik misissuisoqassaaq

2) Aquut: aquut, ratstamme aamma servostyring misissorneqassapput

3) Isigisinnaasat: igalaat, tarrarsuutit aamma igalaanut masarlerutit misissorneqassapput

4) Qullit, reflektionimut atortut aamma atortut elektroniskit: qullernik misissuineri tunnga-
voq, soorlu qullit ikkitaartut, kigaallanneri qullit, qullit pujorsuutit il.il. ajunnginnerisut
aamma eqqortumik qalipaateqarnerisut

5) Akselit, assakaasut, assakaasut qalequtaat, perlaat (meder), bæltit aamma ajorinngu-
isut/sissingusat: undervognip misissorneqarnera

6) Timitaa (chassis) aamma timitaanut atasut: misissuineri sinaakkutit aamma tassunga
atasut ilaapput

7) Atortut assigiinngitsut: ass. tarrarsuutit aamma qilerutit atuuffii aamma aalajan-
gerneqarneri misissorneqartarput

8) Akornutit: nipiliornernik, putsumik aamma imerpalasunik kuuttoqarneranik misissuineq

9) Usinik aalajangersuineq

Qulequttat allat tassaapput qamutit suussusersineqarnissaat. Tassani ilaatigut qamutit normui
(stelnummer) nakkutilliivigineqartarput.

**Inuussutissarsiortunut aamma innuttaasunut aningaasaqarnikkut aamma allaffissornik-
kut kingunerisassat**

Nalunaarummut missingiut inuussutissarsiortunut aningaasaqarnikkut kinguneqarnissaa naatso-rsuutigineqanngilaq, misissuinerlut aaqqiissut akitsuutitigut aningaasalersorneqassanngimmat.

Nalunaarummut missingiut inuussutissarsiortunut imaluunniit innuttaasunut toqqaannartumik allaffissornikkut kinguneqartitsinngilaq.

Suliap ingerlariaqqinnissaa

Siunnersuutigineqarpoq nalunaarut ulloq 1. januar 2027 atuutilissasoq.

Oqaaseqaataasinnaasut aqutsiveqarfiup pingaarnertut mailianut info@fstyr.dk, uunga cc.-ler-lugit endb@fstyr.dk **kingusinnerpaamik 28. august 2026** j.nr. 2025-1044005-mik nalunaaqut-serlugit nassiunneqassapput.

Missingiummut apeqqutaasinnaasut immikkut siunnersortimut Eleni Borisovamut mailimut endb@fstyr.dk imaluunniit uunga info@fstyr.dk nassiunneqassapput.

Tusarniaaffigineqartt allattorsimaffiat kakkiumneqassaaq.

Færdselsstyrelsenip tusarniaaneri tamanut ammasuupput, tusarniaanermullu akissutit so-qutigisaqartunit tamanit tunniunneqarsinnaapput, Tamanna aamma tusarniaaffigineqartunut al-lattorsimaffimmi allassimanngikkaluarluni atuuppoq.

Tusarniaanermut akissutit Høringsportalenimi tunniunneqarnerisa kingorna saqqummiunneqas-sapput. Tusarniaanermut akissuteqarnermi, tusarniaanermut akissutit aamma attaveqarfissatut paasissutissat tusarniaanerup naammassinerani saqqummiunneqassasut akuerineqassaaq.

Nalunaarutit atuutilersinneqartut Retsinformationimi saqqummiunneqartarput. Færdselsstyrelse-nip nutaarsiassanut allagaa aamma malittarisassanik atuutsinneqqalersunik imaqartarpoq. Nu-taarsiassanut allakkanik pisartagaqalerneq Færdselsstyrelsenip nittartagaani pisinnaavoq.

Inussiarnersumik inuulluaqqusillunga

Eleni Borisova

Immikkut siunnersorti